



ARQIPESHK VIA SHKODËR - PULT

Shkodër më, 05.08.2020

DEKLARATË - DENONCIM

Drejtuar: **Institucioneve Shtetërore, Qendrore dhe Lokale, Policisë së Shtetit, Organizatave Joqeveritare, Mediave visive dhe të shkruara dhe çdo personi vullnetmirë**

Objekti: **Marrja e masave urgjente për shuarjen e zjarreve dhe ndalimi e djegjes së pyjeve.**

Komisioni Dioqezan Drejtësi dhe Paqe, si një strukturë e rëndësishme e Arqipeshkvisë Shkodër-Pult, e specializuar posaçërisht në promovimin, edukimin dhe mbrojtjen e të drejtave të njeriut si dhe ruajtjen dhe mbrojtjen e krijesës, e sheh me shqetësim situatën aktuale të djegjes së pyjeve në Shqipëri.

Zjarrvënia, qoftë e qëllimshme apo aksidentale, po shkakton një dëm të pariparueshëm mjedisor, ekonomik dhe shëndetësor si dhe po kërcënon seriozisht të ardhmen tonë dhe të femijëve tanë, sidomos në këto situata të vështirë pandemie.

Djegia e qindra-mijëra hektarëve pyje në të gjithë Shqipërinë, përveç faktit që po shkakton një ndotje të jashtëzakonshme mjedisore dhe si pasojë po dëmton shëndetin e popullatës, po asgjëson një numër të pallogaritshëm drurësh frutorë dhe jo frutorë, të cilët duan dhjetra vite për tu rikuperuar.

Përveç kësaj, shpyllëzimi i zonave malore dhe kodrinore, krijon kushtet për rrëshqitje të tokës, depozitim të dherave dhe inerteve në shtretërit e lumenjve dhe si pasojë shkakton përmytje, të cilat kanë ndodhur pothuaj çdo vit në vendin tonë.

Gjithashtu, djegia e pyjeve shkakton zhdukjen e mijëra gjallesave të cilat jetojnë në këto habitat, duke varfëruar në mënyrë të ndjeshme faunën e vendit tonë dhe duke çuar drejtë zhdukjes gjallesa të cilat rezultojnë të rralla, jo vetëm për vendin tonë por edhe për të gjithë rajonin.

Po ashtu, zjarri po zhduk sipërfaqe të tëra me bimësi të rralla mjekesore dhe etero-vajore, të cilat janë një burim i rëndësishëm të ardhurash për shumë familje shqiptare.

Duke patur parasysh se vendi ynë shquhet në të gjithë rajonin për atraksionet e veçanta turistike, për bukuritë e jashtëzakonshme natyrore, demtimi i pyjeve do të shkaktojë renien e vizitorëve dhe si rrjedhojë edhe reduktimin e të ardhurave për shumë familje, si dhe për vetë shtetin shqiptar.

Të ndodhur para kësaj situatë dhe të vetëdijshëm për seriozitetin e saj, Komisioni Dioqezan Drejtësi dhe Paqe, i bën thirrje të gjitha Institucioneve Shtetërore, Qendrore dhe Lokale, Organizatave të ndryshme që merren me problematikat e mjedisit dhe çdo person vullnetmirë, të angazhohen në menyrë të menjëhershme dhe serioze për marrjen e masave konkrete në fikjen e vatrave të zjarrit kudo që ato janë.

Gjithashtu i bëjme thirrje organeve ligjzbatuese që të bëjnë identifikimin dhe ndalimin, sipas ligjit, të të gjithë personave apo grupeve të personave që në mënyrë të qellimshme i vënë zjarrin pyjeve, duke e konsideruar këtë, një vepër kriminale me pasoja shumë të rënda për të ardhmen e vendit tonë.


Të nderuar qytetarë! Të gjithë konstatojmë me hidhërim që fatkeqësisë për shkak të pandemisë Covid-19, i shtohet edhe ajo e shumë zjarreve të shkatuara nga dora e njeriut.

Komisioni Dioqezan Drejtësi dhe Paqe, do të vazhdojë të jetë një zë fuqishëm në drejtim të mbrojtjes së mjedisit, banesës sonë të përbashkët pasi, siç na meson në Enciklikën e Tij, “Laudato Sii” (Ti qofsh Lëvduar) dhe siç ka thënë Papa Françesku me 22 prill 2020, në 50 vjetorin e Ditës Botërore të Tokës: **“ZOTI FAL GJITHMONË, NE NJEREZIT FALIM NDONJËHERË PO DHE NDONJËHERE JO, TOKA NUK FAL KURRË”.**

Me Respekt


Luigj Mila

Sekretar i Përgjithshëm i Komisioni Dioqezan Drejtësi dhe Paqe





Imzot Angelo Massafra OFM




Arqipeshkëv Metropolit i Shkodër Pult

President i Komisioni Dioqezan Drejtësi dhe Paqe